

欽定戶部漕運全書

欽定戶部漕運全書卷六十五

錄

京通糧儲

發糶倉糧

發糶倉糧

一各倉久貯米石遇有附近地方米價騰貴
陳發往平糶仍照所糶價值依限交部

康熙四十二年

一各廠發糶成色米石雍正九年題准老米每
石作價一兩稻米每石八錢粟米每石六錢其
盤量虧折每石准銷耗米一升雍正十一年奏
准各倉變色米石按成估報酌減糶賣雍正十
二年奏准每放完一廠米石令該監督查明氣
頭底米數估定成色并將該廠收貯年分逐

一聲明仍委員查驗確實與應有氣頭厥底之數相符卽行咨部發糴

一雍正十一年經倉場奏明將存倉稈米發糴一百萬石節年糴賣十萬餘石尙存未糴米八
十餘萬石均係雍正三年以前陳積其間多有
氣頭厥底亟需售糴乾隆二年奏准

欽點大臣會同倉場驗估成色發糴

一乾隆二年京城雨澤愆期米價稍長欽奉

上諭撥米五城各廠平糴嗣又奏准於近京東南西北

四鄉添設八廠撥米平糶以濟民食四鄉八廠
監糶官各部院揀選司官八員內務府揀選司
官八員

乾清門侍衛八員每廠計官三員每日二員在廠
監糶一員輪流察訪如有囤積等弊卽行拏究
每廠書吏二名斗級八名夫役四名令地方官
撥給供役每官一員跟役三名共給銀五錢夫
役每名日給銀六分書吏每名日給銀八分以
爲日用之需各倉運米到廠令倉場撥車并順

天府雇車運送撥糶米石每石准折耗二升糶
價銀錢兼收十日一次解部

一五城十廠平糶原係城外四廠城內六廠乾
隆三年因發糶米石加多鄉民入城不無守候
奏准將城內原設六廠移於城外關廂設立每
城派御史一員監糶

一五城十廠並通州糶賣各倉氣頭廠底米石
錢文定例逢一逢六五日一次投批逢五逢十
查收無論多寡儘數交納因各廠俱不遵照辦

理恐有賣多報少挪新掩舊之弊乾隆六年奏
准每廠頒發循環簿二本令其逐日登填糴賣
米石錢文并實存米石各數按月送部換給仍
以一六投批五十交錢無論多寡儘數交納倉
場將各倉米石於部檄發糴文到之日就各倉
近便地方按分均派令各廠領糴如一倉之米
過多卽分兩廠過少則一廠併領二倉本裕豐
益二倉米石酌派北城領糴通倉米石儘通廠
支領之外勻給東南兩城

一各倉發糶氣頭厥底米石向係各倉監督並檄五城領糶並不移會御史乾隆六年奏准令各倉監督將米數移會五城御史酌派領糶

一乾隆九年京師糧價增長奏准四鄉設廠平糶照乾隆二年之例遣侍衛等官前往查辦

一京通各倉每季支放俸甲米石均有氣頭厥底向例隨報隨發各城按成減價發糶乾隆九年奏准每年分作兩次其京倉夏秋兩季并通倉春季畱於十月以後發糶京倉冬春二季通

倉秋季畱在三四月間發糶

一乾隆十三年京師米價漸昂且逢閏月奉
特旨照乾隆八年之例將京倉米石給發各旗並五城
米局減價出糶以平市價

一乾隆十三年通州米價亦未平減奏准照京
城減價平糶糶價照部定數目易銀解部

一豫省漕糧每年改徵小麥一萬石運倉除內
務府應用外尙有餘剩不便久貯乾隆十三年
奏准將餘剩麥數報部令五城照市價糶賣所

金人天下清道之三
卷二十三
耀銀兩解部查收

一每年冬月京師五城設廠煮賑貧民所用之米間有成色米石乾隆十五年奏准俱以十成稻米給發至輓運漕糧時狼撒掃收之米發各

城耀賣

一通倉放剩氣頭底米石向例春季在本年十月以後發耀秋季在次年三四月間發耀乾隆十六年因米價稍昂奏准將春季俸米放剩氣頭底米石移前數月於四月內卽行耀賣

以濟貧民

一五城通州監糴各官於六部司員內揀派吏
部派定中城戶部派定南城禮部派定通州兵
部派定北城刑部派定東城工部派定西城由
戶部將賣米原案抄錄劄付各員令其任事一
年一次更換仍俟將屆期滿一月以前將劄付
呈明更替乾隆二十三年奏准各城糴賣土米
報銷文冊責令該城御史覈明加結分送戶部
都察院查覈如遇領米開糴日期監糴各員協

同該城御史赴厰稽查

一五城糴賣成色米石乾隆二十三年奏准如遇領米開糴日期責令監糴部員協同該城御史親赴該厰逐一稽查其五城領米之時令司坊官親身赴領如遇公務分身不遑仍慎派妥幹書役持領赴倉拉運並呈報巡查御史查明應領數目按色驗放并將米樣封交該城御史暨監糴官於開糴時比對

一乾隆二十四年三月京師米價稍昂京倉內

撥米五萬石在五城適中地方設廠平糶是年
五城呈報市價老米每石大制錢一千五百五
十文稜米每石大制錢一千三百四十文粟米
每石大制錢一千一百七十文奏明三色米石
照市價各酌減大錢一百文先行試糶市價稍
平官價亦量爲遞減嗣於四月內欽奉

恩旨將河南山東二省運京麥石分發五城米廠平糶
除雜糧行戶不准領買令五城麵鋪赴廠領票
買麥磨麵賣給民食以五石爲率五城呈報麥

價每石市價大錢二千一百二十五文每石酌減三百二十五文以一千八百文糶賣是年三月二十六日平糶起至閏六月十五日停止

一乾隆二十四年議准平糶錢文支給挑挖河道工程處八萬四千餘串其餘糶賣錢文發給

鋪戶每買每制錢八百八十文易庫平紋銀一

兩解交部庫

一乾隆二十七年平糶五城呈報市價老米每石大錢一千六百九十文稜米每石大錢一千

四百二十六文粟米每石大錢一千三百七十
三文奏明撥三色米五萬石照市價每石酌減
大錢一百文嗣於五月內奏明老米每石照原
議又減大錢一百五十文以一千四百四十文
糴賣稻米每石減大錢一百二十六文以一千
二百文糴賣粟米每石減大錢一百七十三文
以一千一百文糴賣老米一項三次又酌減大
錢一百文以一千三百四十文糴賣六月內欽

奉

諭旨將豫東二省運京麥石交五城糴賣照市價一千九百文每石酌減大錢二百文以一千七百文糴賣所有平糴米石自二十七年三月初十日平糴起麥石自八月初十日平糴起均至二十八年六月十八日停止

一乾隆二十七年平糴錢文一面招商易換一面於土道工程處照例交步軍統領衙門每該工給制錢一千文易銀一兩二錢仍照南市錢平解交部庫

一通倉成色米石向劄通州州城設廠糴賣乾隆二十七年將通倉成色米石在於州城及適中之漷縣城內分廠糴賣

一乾隆三十八年豫東二省採買運京平糴麥石業已停止所有糴剩麥石照運送內務府餘剩麥石之例准其徵倉發城按照時價變價

一乾隆三十年京倉未領成色米石奉

旨工程處曾經領用官米此項成色米石不必交五城糴賣著交與工程處領用欽此

一乾隆三十五年平糶麥石五城呈報市價每
麥一石大制錢二千七十四文照市價酌減二
百七十四文以一千八百文出糶並磨麵糶賣
白麵每觔大制錢十六文次白麵大制錢十五
文黑麵大制錢十二文麸子大制錢七文所需
磨麵人夫工食驛頭草料等項於平糶錢文內
動支嗣又奏准每麥一石照原議酌減大制錢
一百文以一千七百文出糶又因麥質稍次照
官價減錢二百文糶賣又於三十六年四月欽

奉

諭旨於京倉量撥米石給五城平糶奏明撥老米三萬
石稜米二萬石老米每石照市價酌減大制錢
一百四十一文以一千六百五十文出糶稜米
每石照市價酌減大制錢一百三十九文以一
千二百文出糶又撥粟米五萬石照市價每石
減去大制錢二百六十七文以一千文出糶至
所賣麥石因市價平減又酌減二百文以一千
五百文糶賣自三十五年六月二十六日起至

三十七年五月初四日停止

一乾隆三十五年戶部奏各處工程俱屆報竣
無庸給發工價請將平耀錢文令五城十廠十
日一次解交銀庫搭放兵餉每餉銀二兩給制
錢一千文酌扣脚價五文以九百九十五文給
發奉

旨此項錢文著交屬明圓工程處動用欽此

一平耀錢文漸積漸多錢文壅滯市價勢必漸
昂嗣後各廠所賣錢文交步軍統領衙門按市

價陸續兌易其車腳費用按例開除所易銀兩

照南市錢平交庫流通市價

乾隆三十五年

一五城糴賣錢文積至一千串工程等處現在
既不支領各廠又不便存積過多莫若招商出

售令步軍統領衙門及順天府速即招商徑赴
各廠就近領買分售仍將所易銀兩照原平解

交部庫

乾隆三十五年

一乾隆四十年平糴撥老米一萬石稜米二萬
石粟米五萬石老米每石照市價酌減大制錢

一百六十八文以一千四百五十文出糴稥米
每石照市價酌減大制錢一百二文以一千一
百文出糴粟米每石照市價酌減大制錢一百
二文以八百五十文出糴自五月十六日平糴
起至七月二十日停止

一乾隆四十年平糴錢文一半解交步軍統領
衙門一半解交工程處應用

一乾隆四十三年平糴先撥老米五千石發米
一萬石粟米二萬石減價出糴並照向例每人

每日糴買不得過二斗之數又撥麥一千四百
餘石令五城磨麵小鋪零星承買以二石爲率
磨麵糴賣接濟民食如民間家有磨具情願領
買者亦聽其便

一乾隆四十三年

內廷各處需用麥石奉

旨將御膳房等處額用麥麵裁減一半發交五城平糴
欽此

一各倉於車道等處掃收米豆並不在歲報盈

餘土米之內其七成以上者篩颶潔淨實數歸

倉照盈餘事例作正關支六成以下者發城照

土米之例領賣

乾隆十四年

一陝西採買運京麥五萬石畱貯通倉照四十

三年發給在京鋪戶領買之例令五城司坊官

查明殷實鋪戶報明戶部認買先交麥價由戶

部發給執照聽其自赴通倉支領來京發賣照

現在市價每石一兩八錢之數減去一錢以一

兩七錢發耀

乾隆十五年

一各城分領祿米等倉舊存餘剩麥三百九

五石零經五城御史以現查市賣麥價每石一

兩九錢四分今各駁領出各倉舊存麥石每石

僅值銀一兩六錢七分此項麥石貯倉日久蟲

蛀霉變體質低微咨明免其增估價值乾隆四十八年

一乾隆四十九年平糶麥石市價每石覈大制

錢二千三百六十一文酌議每石減錢九十文

以二千二百七十一文照四十三年平糶之例

令五城磨麵糶賣接濟民食

一乾隆四十九年奉天採買麥石運京欽奉

恩旨交五城設廠平糶並將京倉舊存豫麥九千餘石

於奉麥未到之前先行出糶續經奉省將麥石

運到飭廠領糶舊太北新海運三倉中有攏雜

豫省舊麥詢知各倉舊廠均有存貯豫麥此次

奉天新麥入倉時未將廠底分別掃除潔淨以

致舊麥多有攏混雖豫省麥石亦係例應出糶

尙無別項抵換情弊但該監督辦理不善除將

此項麥石仍交五城照常出糶外所有舊太海

運北新各倉監督交部議處並將未行查出之
倉場侍郎一併交部察議

一乾隆五十年奉省二次採買麥二萬石運到
京師糴賣以平市價彷彿王公官員承買黑豆
之例准令官員承買定爲武職一二品閒散及
三品以下等官文職七品以下等官承買每石
比時價減銀二錢五分五釐以二兩三錢賣給
令各衙門出具印領赴倉承買所賣價銀在於
各該員俸廉等項銀內依限照數坐扣完項

一乾隆五十二年六月奉

諭米糧價值民食攸關現在市價稍昂自應平糶以資調劑所請撥米三萬石爲數尙少竟著於京倉內撥米五萬石每城交與一萬石若仍照舊例每城設立官廠既不免經費之繁而經營之大臣官員耳目難周勢不能不委之司坊官家人吏胥等承辦難保無暗中串通滋弊情事仍屬有名無實朕意不若於五城各派大臣一員在城內城外公同揀擇殷實大鋪戶各一處將官米交給該鋪戶自行糶賣仍官爲

酌定價值令其稍沾餘潤俾資贍給所有賣出價值
卽隨時繳納著派尚書胡季堂侍郎惠齡汪承霈海
寧德成各分管一城率同該城御史專辦其事並會
同步軍統領順天府嚴密查察如該鋪戶不遵官定
價值仍私行擡高牟利者一經查出不但將官米撤
回另選殷實大舖承糶並將其舖內自買米石一併
入官爲平糶之用仍將該商治罪其有不願領米者
卽將把持禁令奸商治罪如前另選一人充之如此
一倣百則糶賣官米之商人知所畏懼自不敢復

蹈故輒而各城既有官米鋪戶平價出售小民自必
皆赴該鋪糴買其餘民間米鋪若擡價居奇亦無人
向彼糴買則該商等自不能不彷照官定價值出售
米價不期賤而自賤所謂無官局之名而得便民之
實似以爲妥善至倉內官米若概行發給恐該鋪無地
容貯著酌定數目陸續發交該鋪戶收領零星糴賣
並著畱京王大臣總司其事現定於六月二十日卽
行開糴其應如何酌定章程辦理之處卽行詳悉妥
議迅速奏聞以便屆期舉行欽此經畱京王大臣等

奏向來五城平糴皆於內外城適中之地設廠
使小民便於糴食今雖改交商辦仍於適中地
方每城選擇殷實鋪戶二家令其將領出粗米
盡行春糴按八折交出細米所餘碎米糠粃儘
可抵給春碾工費查糧價粗稜米一石制錢一
千五百四十文今酌議每石以一千四百四十
文糴賣其糴出細米卽照此以八折覈算應糴
米五萬石陸續發交每日定以五百石爲率令
五日一領每次領米二千五百石所用升斗照

依戶部官斗較准烙印領用其赴倉領米車價
卽於出糴米價內按部定車腳隨時給發不得
另行開銷所有出糴之錢照例令司坊官陸續
解戶部搭放兵餉工程等項之用九月奉

上諭前因京城米糧市價昂貴特經降旨於京倉內撥
米五萬石分給五城地方發交殷實鋪商減價平糴
並派監糴大臣率同五城御史專辦其事並令會同
步軍統領順天府各衙門嚴密查察以平市價自平
糴以來雖覺糧價漸減但恐糴竣之後又復漸次加

長非朕軫念民依隨時調劑之憲著再撥發京倉米五萬石交與五城地方減價平糶俱著照前次章程妥協經理俾軍民均沾實惠以副朕加惠無已至意

欽此十一月因米價業經平減秋成又值豐收

奏明將官廠暫行停止

乾隆五十三年三月將上年未賣稻米三萬四千石并各倉現貯麥石除備用外尙餘四萬四

千石邊

旨一併平糶麥石一項交五城揀選殷實麵鋪磨麵糶

賣每八不得過十觔之數市價麥每石制錢二
千一百七十文酌議減錢一百七十文以二千
文出糶計麥每石例得磨成麵麩一百三十五
觔內應出頭白麵五十五觔次白麵四十觔黑
麵十觔麩子三十觔酌定價值土白麵每觔二
十二文次白麵每觔二十一文黑麵每觔十四
文麩子每觔十一文以上麵麩共計賣得制錢
二千五百二十文內除磨麵工價銀四百文交
官錢二千文下餘錢二百二十文麩子鋪戶是

年平糴米自三月二十六日起至六月初四日
停止平糴麥自四月初八日起至七月二十六
日停止

一平糴麥四萬四千石磨麵發糴小民易於買
食若每城祇設一二鋪恐小民居址較遠糴買
未便今酌議將倉存麥石五城正副指揮赴倉
支領卽責成各該員於所屬地方內查明遠近
各適中之地有磨殿實鋪戶十家按鋪散給承
領仍令該指揮等造具各該鋪戶花名清冊及

坐落地方呈送各衙門以憑稽查

一平糶麥石定日開糶起令五城正副指揮預期赴倉支領按每員應領麥四千四百石限五日赴倉支領一次每次各領麥二百石其應需腳價照依五城赴倉支領平糶米石之例准其於麵價錢文內照數扣除

一正副指揮兩處每次各領麥二百石卽分交各該管舖戶每日磨麥四十石總計可得麵麸五千四百觔內上白麵二千一百觔次白麵一千

千六百觔黑麵四百觔麩子一千二百觔零星
售賣以便小民糴食

一糴賣麥麵錢文飭令各該鋪戶按日交各該
指揮處收貯俟積有成數陸續具批赴部交納
一平糴麥麵原爲利於小民食用若不於承買
之人定以限制誠恐啟奸商囤積之弊酌定每
人承買自半觔至十觔爲止不得過十觔以外
令各該指揮各就所屬舖戶嚴密稽查倘有多
買及私行囤收情弊卽行查拏究治

一承買麥石各鋪戶官定價值之內既已俾沾
餘潤該鋪戶等自應遵照官價出售毋得多收
錢文短少勉兩以及將次白頂替頭白黑麵攏
雜白麵等弊一經查出卽於該鋪門首枷號示
衆

一平糶麵麩必須動兩平準應令五城鋪戶各
製十六兩秤一桿註明姓名交該指揮持赴戶
部較準烙印發給應用如有仍用鋪中私秤售
賣者查出治罪

一各該鋪戶既承買官麥磨成麵麩出糴不得
藉稱官麵糴完將私有麵麩售賣高擡價值一
經查出定行從重治罪

一平糴麵麩原使小民均沾實惠而吏胥人等
易滋弊端除監糴大臣嚴密稽查外仍責成各
該指揮等不時訪查如有書役家人等勒索滋
事該員等失於覺查別經發覺將該指揮等一
併嚴參究治以上九條均乾隆五十三年

一乾隆五十五年平糴撥出稻米三萬石令五

城設廠卽將粗米糶賣每人每日准買三五升
至八九升總不得過一斗之數聽其自向碾房
對換五城呈報糧價每粗稜米一石制錢一千
四百文酌減每石以一千三百文糶賣自八月
初一日起每日糶米一百石至九月初一日糶
竣

一乾隆五十七年平糶撥出京倉氣頭廠底稭
稜粟米二千七百餘石謝君美米局入官各色
米一千二百餘石又倉存稜米四萬六千餘石

共米五萬石又撥出倉存漕麥四萬石分給五
城十廠減價平糶市賣糧價每稅米一石制錢
一千三百五十文酌減制錢一百五十文以一
千二百文出糶市賣麥價每石制錢二千一百
二十文酌減制錢一百二十文以二千文出糶
至京倉氣頭廠底及謝君美米局入官各色米
三千九百餘石經監糶大臣飭令順天府經紀
確估八成梗米七十一石九斗每石按市價酌
減制錢一百五十文以一千二百五十文出糶

九成江米九十六石四斗每石按市價酌減制
錢四百文以二千文出糴四成白梗米三十一
石每石按市價酌減制錢一百文以九百文出
糴又不計成白梗米十石每石按市價酌減制
錢一百文以四百文出糴六成稜米四十石每
石按市價酌減制錢一百五十文以七百五十
文出糴不計成粟米九百七十五石四斗每石
按市價酌減制錢五十文以二百文出糴又氣
頭底南新倉四成稜米一千一百三十石祿

米倉四成梗米九百七十三石每石均按例價
酌減制錢四十二文以三百文出糴五城稜米
三百六十石每石按例價酌減制錢三十七文
五毫以三百文出糴五成粟米二百四十四石
每石按例價酌減制錢四十七文五毫以二百
文出糴均勻分派十廠具領赴廠糴賣其麥石
一項因開糴後承買之人較糴米者稀少又議
酌減制錢五百文以一千五百文出糴自閏四
月初十日起每廠日賣米麥九十石十廠每日

共賣米麥九百石至七月二十日儘數糴竣

一嘉慶七年奉

上諭現值青黃不接之時京城米價不無昂貴閭閻口食維艱自宜量爲調劑著加恩減價平糴其應如何分廠並撥用何項米石及派員經理之處著該部妥議具奏等因欽此戶部查各倉溢額稜粟二項約計

二萬六千餘石尙可減價平糴現在月報糧價

每稅米一石市價制錢二千九百文酌減制錢

四百文以一千五百文出糴每粟米一石市價

制錢二千六百文酌減制錢四百文以二千二百文出糴又十成土米一項應一併撥出發糴照乾隆五十七年平糴之例由監糴大臣估計減糴其每人每日糴買米數俱請照從前成案自一二升至二斗止不得逾數多買如市價遞平官價亦奏明量爲酌減并照向例奏派監糴大臣十員各司一廠以專責成並會同五城御史在廠嚴察妥辦仍令步軍統領衙門選派弁兵密爲訪查如有奸商影射偷糴及胥役藉端

需索等弊查出卽行從重究治至糶賣錢文照
例陸續解部以備搭放兵餉工程之用其應給
車腳等項均照從前章程辦理嗣據監糶大臣
量驗試煮盈餘稻米按市價每石實祇值錢二
千文粟米每石實祇值錢一千八百文查照原
奏每石酌減四百文盈餘稻米每石糶價一千
六百文盈餘粟米每石糶價一千四百文至篩
颺土梗米較市集梗米相去甚遠每石糶錢六
百文土稜米每石糶錢一千文土粟米每石糶

錢六百文

一嘉慶十七年奉

旨據稽查京倉御史等奏上年冬季各倉領運土米稽
查完竣一摺五城領運各倉土米責成查倉及巡城
御史稽查每季彙奏一次總以並無好米攬雜等詞
聯銜具奏其實各倉積弊往往於領運時土益腐朽
土米暗將好米影射在內運出售賣該御史亦並未
逐細查驗不過奉行故事一奏塞責殊非覈實之道
嗣後各倉出放土米時著該查倉御史親往眼同驗

放實力稽查如有攏和掩覆等弊立卽據實叅辦毋得視爲具文欽此

一嘉慶十八年

上諭京畿自入春以後雨澤稀少麥收無望現在市集糧價增昂貧民口食維艱朕心深爲廑念著於五城分設廠座平糶麥石以濟民食派瑪尼巴達拉書敏阿隆阿佛住寶倫曹師曾嵩福賡泰英綬常英羅卜藏多爾濟穆彰阿永芹書興景興永祚伊勒通阿費錫章慶惠彭希濂二十員分赴十廠會同該城御史

妥爲經理此係加惠窮黎之事如有奸胥市僧冒領
囤積立卽嚴拏懲辦其設廠地面並麥石數目及如
何減價之處著各該衙門查照舊章迅速具奏欽此

經戶部奏准於本年新收倉麥內撥出四萬石

分給五城十廠每麥一石減價六百文以二千

一百文出糴每人每日准糴一二升至二斗止

其糴賣錢文解部搭放兵餉工程之用應給車

腳役食照例支銷

一嘉慶二十三年奉

上諭王鼎等奏大宛二縣村莊應請平糶一摺京師入春以來總未得有透雨大興宛平二縣所屬村莊糧價加增民食未免拮据著加恩卽於京倉撥給麥一萬石交順天府領運於城外四鄉按村莊遠近分設廠座減價平糶以資接濟如敷用則已若有不敷再行奏請續撥欽此

一嘉慶二十三年奉

上諭本年各直省奏報二麥分數自八九分至六七分不等合計均屬有收惟順天府屬及甘肅省春間雨

澤稀少茲據長齡奏甘省四月內澍雨並霑二麥長
發民情極爲寧謐其順天府屬自四月下旬以來雖
已陸續得雨究未十分深透朕已優加恩卹蠲緩兼
施並給發米麥交順天府設廠平糴因思近畿各州
縣窮黎居住稍遠者恐覓食較難著加恩再賞給粟
米六千石交順天府以三千石令通永道葉紹本督
屬於燕郊夏店三河一帶地方分廠減價平糴以
三千石令霸昌道齡住督屬於南石槽懷柔一帶
地方分廠減價平糴仍由順天府派委委員分赴各

該處認真稽覈務期實惠及民以副朕惠愛黎元有
加無已至意欽此

一嘉慶二十三年五月順天府奏欽奉

上諭著再撥麥五千石粟米五千石交順天府領運接
續平糶統俟甘霖大沛之日停止等因欽此嗣於六
月初三日京城內外普被甘霖惟民間現糧尙
少猶資糶食戶部奏准前項米麥減半各給二
千五百石平糶其餘毋庸具領

一各倉氣頭底米石奏定例限於五日內派

員勘估該委員於五日內佔定成色結報倉場
仍於十日內咨部於部文覆准之日起限倉場
於十日內知照都察院劄知五城司坊於一月
內領竣儻司坊官遲延由查倉御史叅奏如倉
監督勒捐不行開放由巡城御史叅奏再各城
領糶成色米豆變價銀錢隨時解部不得遲延
至平糶米麥錢文一項出糶完竣限兩個月照
數解完並將報銷清冊送部覈題查有逾限卽

行叅辦

道光元年

卷之三
三
一道光三年奉

上諭京畿自入夏以來雨水過多現在市集糧價增
昂貧民口食維艱朕心深爲廑念著於五城分設
廠座發給貯米五萬石平價糶賣以濟民食此係
加惠窮黎之事該城御史務妥爲經理並著都察
院堂官隨時前往各廠嚴密稽查如有奸胥市僧
冒領囤積居奇立卽嚴拏懲辦其設廠定期並撥
用何項米石及如何減價之處該部查照向例迅
速妥議具奏欽此經戶部奏准於海運倉酌撥梗

米三萬石 穀米二萬石 分給五城 梗米每石減制錢五百文 以一千八百文出糴 穀米每石減制錢六百文 以一千二百文出糴 每人每日糴買米石仍不得逾數多買糴賣錢文陸續解部車腳等項均照舊章辦理

一 御史楊九畹奏 請各倉土米隨時篩颶作正搭放經部議覆各倉米石分別存貯年分揭除氣頭底仍照舊章發坊糴賣除不及二年者不准揭除外其貯底二年以外者揭除氣頭毋

過一百石廩底毋過二十石貯廩三年以外者
揭除氣頭毋過一百五十石廩底毋過三十石
至四年以外雖歷年多者仍不得過定例二百
五十石之數責成查倉御史於閩廩開放時據
實查驗率同該監督眼同領米旗員照例揭除
氣頭移貯空廩每俟放竣一廩將廩底一併另
廢移貯卽時標封俟出糴時查驗開封以防偷

換道光

一道光四年奉

上諭朕聞京畿近來市集糧價騰貴貧民口食維艱
亟應量爲接濟著於五城分設廠座發給倉貯米
五萬石平價糶賣俾窮黎均霑實惠該城御史務
妥爲經理並著都察院堂官隨時前往各廠嚴密
稽查如有奸胥市儈冒領囤積居奇立卽嚴拏懲
辦其設廠定期並撥用何項米石及如何減價之
處該部查照向例迅速妥議具奏欽此經戶部奏
准於北新倉撥給梗米三萬石稜米二萬石分
給五城梗米每石減制錢八百文以一千九百

文出糴米每石減制錢一千文以一千五百文出糴仍照上年奏定章程辦理

一道光四年奉

上諭御史王世綏奏請酌撥平糴米石接濟飯廠一摺前因京畿市集糧價增昂降旨令五城設廠平糴經戶部議定平糴官價較之市價減之大半如該御史所奏次貧者自可糊口有資而極貧之戶及流離覓食之人無錢糴買仍復待哺自係實在情形著加恩於平糴十廠內每廠撥米一千石發

交五城御史及順天府尹於京城內外飯廠酌量
加米展期散放順天四路飯廠每廠撥米一千五
百石其餘米石分撥五城飯廠至平糴十廠每廠
仍糴米四千石共糴米四萬石其糴賣之數向來
每人准買二斗易啟奸商雇買之弊此次平糴著
照該御史所請每人以一斗爲限仍著都察院堂
官及該城御史遵照前旨隨時嚴查務須認真妥
爲經理俾窮黎均沾實惠欽此

一道光七年倉場叅奏裕豐倉盈餘麥石成色

金人ノ正月三日
年次
石數不符奉

旨此案裕豐倉盈餘麥石未能篩颶淨盡又將上年
搭放鏽白旗沿途狼灑之麥掃併空殼麥皮之內
以致麥石成數不符失察之監督達斌李鍾潢著
交部議處花戶崔俊張志照例責革再加枷號一
箇月以昭警戒所有五成半麥三百零四石一成
半麥二百六十八石著發交五城照例耀賣空殼
麥皮並交五城拉運出倉毋許花戶人等經手著
倉場侍郎嚴行督飭稽查不可再滋弊端該部知

道欽此

欽定戶部漕運全書卷六十六目錄

京通糧儲

錢糧事例

偷盜倉糧